

Andree Beranek ketuai cabaran pesilat Austria

- 9 OCT 1987

JAGUH pesilat kebangsaan Austria Kelas I, Andree Beranek, akan mengetuai cabaran negara itu dalam Kejuaran Silat Dunia Ke-4 di Kuala Lumpur pada 2-9 Disember ini.

Beliau adalah pemenang pingat emas Kelas I dalam kejohanan yang sama di Vienna ketika negara itu menjadi tuan rumah tahun lalu.

Dua lagi pesilat Edward Linhart dan Werner Schveyer adalah muka baru yang menjuarai kejohanan peringkat kebangsaan tahun ini.

Pengurus pasukan itu, Ing Guenther Ertl, dalam kenyataannya memberitahu, penyertaan yang kecil itu tidak berti Austria akan pulang dengan tangan kosong.

Ketika menjadi tuan rumah, mereka dua pingat emas, dua perak dan lima gangsa untuk menduduki tangga keempat daripada 14 pasukan yang turut serta.

Austria juga mengugurkan pemenang pingat emas kelas H, Hannes Kotzian, Norbert Plassing (perak) dan Bernhard Kovacs (gangsa) bagi kelas B ketika kejohanan lalu.

Katanya, hanya Andree berjaya mengekalkan kecemerlangannya dan kini menjalani latihan bawah jurula-

B. Harian (M)

tih, Franz Hariwijadi.

Turki pula menyenaraikan tujuh pesilat termasuk pemenang gangsa Kelas E di Vienna, Ismail Altay.

Pengurus pasukan Turki, Mertin Ok, memberitahu dua pemenang gangsa di Vienna, Kamal Catal (Kelas E) dan Bahattin Ozbek (Kelas F) digugurkan untuk kejohanan di Kuala Lumpur nanti.

Antara muka baru dipilih, Hassan Aka, Sahir Jawus, Metin Sakin, Holesi Demir, M Sewindig dan Mertin Ok sendiri.

Manakala Surinam juga menyenaraikan enam pesilat. Antaranya R Kalidjo, P Barend, R Tjon A Huang, R Wijnhard, P Van Zichem dan E Nelom.

Mereka menjalani latihan di bawah jurulatih Franje dan menganggap penyertaan kali kedua peringkat dunia ini lebih mencabar.

Pengurus pasukannya, R Van Zichem, memberitahu setiap pesilatnya sudah bersedia memberi tentangan dan merangkul sebarang pingat.

Katanya, pengalaman di Vienna banyak didedahkan kepada pesilat negara itu bagi menghadapi kejohanan di Kuala Lumpur.



ENCIK JOHARI: Rumah Silat akan dijadikan pusat penyelaras rancangan

**Persisi
perluan
lagi \$15,500
untuk
10 OCT 1987
ubahelok**

PERSEKUTUAN Silat Singapura (Persisi) masih memerlukan \$15,500 lagi untuk menjalankan kerja-kerja ubahelok tahap pertama di 'Rumah Silat' badan itu.

Kerja-kerja ubahelok tersebut antara lain ialah membaiki tandas dan merobohkan palang-palang yang menghalang latihan.

Sejauh ini mereka telah mengumpul \$4,500 dengan bantuan perguruan-perguruan silat di bawah naungannya, sedangkan jumlah yang diperlukan ialah \$20,000. 10 OCT 1987

Ketika dihubungi, Setiausaha Agung Persisi, Encik Johari H. M. Uriff berkata, jumlah keseluruhan yang diperlukan bagi mengubah rumah itu untuk dijadikan pusat penyelaras rancangan silat seperti latihan dan kursus ialah \$40,000.

Buat masa ini, usaha Persisi tertumpu kepada kerja-kerja ubahelok yang ringan di bawah tahap pertama.

Wang sebanyak \$20,000 yang diperlukan, menurut Encik Johari, memadai bagi memastikan keselesaan para pelatih yang mengunjungi rumah di Mountbatten Road.

Rumah Silat yang diserahkan oleh Persatuan Rakyat (PA) kepada Persatuan Jurulatih Pertahanan Diri (SMAIA) telah digunakan oleh Persisi sejak awal bulan lalu.

Menurut Encik Johari, SMAIA membenarkan Persisi menggunakan Rumah Silat itu empat hari seminggu pada hari-hari biasa.

Pada hari-hari tertentu, Persisi akan diberi keutamaan sekiranya mereka memerlukan tempat bagi mengadakan latihan intensif dan kejuruan silat.